

**2016**

**THADOU-KUKI**

**(Modern Indian Language)**

**Full Marks : 100**

**Pass Marks : 33**

**Time : Three Hours and \*Fifteen Minutes**

*(\*15 minutes are given as extra time for reading questions)*

**INSTRUCTIONS**

1. Thucheng lamdohsah (spelling) hi Ngulhao Thomsong spelling bou kisang ding ahi. Hichu Thadou-Kuki Holy Bible spelling to kitoh ding ahi.
2. Thudoh ho hi jatli (4) in akikhenin hichu (I) Section- (A.1) Prose. (A. 2) Poetry. (II). Section- (B) Reading. (III). Section- (C) Writing (IV). Section- (D) Grammar ahi.
3. Koitabang themvetna apang hon Section khat le section dang phengmai khatsunga jihlut khom lou ding, ihamtia najihlut khom khah uleh marks kisimtha lou ding ahi, ti kihet cheh un.
4. Thudoh jouse abona donbutna Ithingsetna peh cheh angaijie.

**SECTION – A (i) : PROSE : 25 MARKS.**

1. Sa-Ai leh Chang-Ai hi pule paten hoija konna ana lahson uham? Hiche hin tahsa leh lhagaova dinmun ipi aneijem, hilchetna Ithingset pen ?

3+3=6

2. Malai pule paten Kut itobang a ana man jiu ham ? Chuleh Tulai Kut man dan toh akibahlouna ho vetsah inlang semphat dia pha nasah ho tahlang in ? 1+2+2=5
3. Hindu te kibungkhenna jat ijat urn em ? Tahlang in ? 1+1=2
4. Moltinchan chu ipijeh a dammo ham ? 1+1=2
5. HIV hit hi tahsa sunga alut teng ipi pi ahatmo sah ji em ? 1+1=2
6. Dr. BR Ambedkar pa min chu ipi ham? Chuleh ipi natong mi ham ? 1+1=2
7. Pathennu leh Pathenpa chun ipijeh a mihem joh kithopi hite ati Ihon ham ? 1+1=2
8. Napun kapu joulou napan ka pa joulou atikhu kon koima aseija ipi nikhoa kisei jiam ? 1+1=2
9. "*Kadei Phungte Maili bang gamhen, Tangpa lungching nahin kumkho sot hen*" kon koikomma aseiam ? 1+1=2

**SECTION – A(ii) : POETRY : 20 MARKS**

10. Akikhel jing leh akikhel lou jaila sem hi koiham ? Ipi doileh tup neija hiche jaila hi ahin sem ham? Hilchetna bukim pen. 3+3=6
11. Vo Gospel kiti jaila hin ipi avetsah am ? Hilchetna Ithingset pen ? 3+3=6

12. Chunle jo Jaila hi koisem ham? "*Thimpi noiya kavahmei khompi*" ati khu koi aseina ham? 1+1=2
13. *Keima minomsa tah, Namlun kapa chopa kahilou ham, kiti jaila hi koisut ham?* "*Lungdonna neilou chapa*, ati khu koi aseina ham? 1+1=2
14. Labolpan, Gamtum deina minna Nampi sunga mohmot chonho, atikhu koi ho aseina ham? Ipijeh a aseiam? 1+1=2
15. "*Kachunla dong ing, Kajo la donging, Penna pom ding kho anai loujene*" Hiche jaila hin ipi aseina ham? Hilchenin. 1+1=2

**SECTION- B : READING : 20 MARKS**

16. **Noija thulom kipe hi sim inlang dohna ho donbut na lhingset cheh pen.**

Leiset Chung khantou machal to Ihonin, mihem te jong chihna thepna asang cheh cheh jengtan, kum 1980 laichun kijahmat tona leh kikomto na jong ana Ihom Iheh nalaijin ahi, lampi hihen Nihchen ponsil hijong leh ana lhasam Iheh nalaijin ahi. Hichelai khang chun kijah matto na ding a ana neisun uchu Telegraph leh Landline Phone ana hi in, hiche landline jengjong chu koima pouvin ana nei joupon aneijou hochu society sunga dia jong mihem ochat tah khat chu anahiuvin ahi. Hinlah phat le nikho ahung che dungjujin mihem chihnan van ana phah keo hita louvin amilip in Cell phone akichoi tauvin ahi. Leiset hi ahung neosuh cheh cheh abang jeng tan ahi, ajeh chu masanglai ja Delhi, Bombay kiti jong chu koiman ajan mang cha ajong amat phah lou ana hin, Sepoy pang mi khat le ni tailouvin ana mukha pouvin ahi, ahinlah tulaijin hiche gam ho chu mineijou she hilouvin milham hon jong jing kah ann del naphah ahung hitan ahi. Hinlah tukhangin kijah mat tona lam asan toh Ihonin, Cell phone jat chom chom ahung soh doh tan, hiche hoa konna kimang cha chu Call goh hilouvin Watsapp. SMS.

Massenger etc etc ho a konin khangthah hon aphalam a man sangin aselam joh in aha man jotaubin ahi, mijouse alen aneo ahgilna bang in boipi dang neiiouvin ama ama phone cheh asih nilhum asihkho vah uvin, ihoupi jong leh javah lou helin hinkho imang tauvin, Internet akonna jong thilpha chom eima subject leh topic tampi download kibol sangin thilphalou vet hoilou tampi joh download ibol jo uvin, mihem ho khantouna chu eihon setna joh in imang kha tauvin ahi. Somalia gam gal hung kichaijin, leiset chung sumkol veina mun lenpi gam tampi kigom khom hon ahin tung doh uvin, agam sung chu akhang tou Iheh jeng in hinlah, agam miten hiche khantouna mun achun achen vang uvin, toh theileh bol thei aneilou jeh uvin, avis uh cheh cheh jo uvin mihem te khantou machal Chula amu uvin, ama ho banga hinkho man ding atiule le avaichat jeh uvin amang thei pouvin, achainan, numei tahsa kijoh in ahung pang uvin, asociety uchu kidah umtah aso doh lotan ahi, hichun avetsah chu leiset khantouna chu aman dan itheplou leh eija di nga manthah na joh ahi ti ako mu in ahi. Hiti ahijeh chun, igam sung u khantou machal ding deilou koima 1 um pouvin hinlah hiche khantouna chu mi atamjo a dingin manthah najoh ahung soh doh jin ahi. Tu,asang a ina jah jing u Moreh koma Haolenphai khomunna Smart City sahna dia Govt, in Acres 3000. Lah ding development tampi koi ding sumkol veina mun lentah so ding ati chu Simlai kiloikhom adeh a Thadou Students Assn. (TSA) ho in ana ting uvin, inamsung uva alen alal tampin umсах tei ding ana gong kit uvin, hiche kinel kibou kahiah chun project chu voh hai ana hitan ahi. Hichu ana um ta henlang hileh, Technical Expert koima la iumpou vin, Engineer, Doctor. Chuleh thepna jat chom chom la inei pouvin. Namdang te bang in Business la ithem pouvin. Sum la ineipouvin, achuti leh inam nungah hou chu jatdang hon ahin kichep *na* ding u chu lunggella musa ahi jeng in ahi.

- a) Kum 1980 laichu tulai phat to tekah dinga ipi khantou louna nahet am ? 1+1=2
- b) Delhi, Bombay kiti ho chu koihon ana ha mu tarn pen uvam ? Ipi aga bol jiuham ? 1+1=2
- c) Khantou dung juija kijah mat tona ipi pi hung soh doh am ? 1+1=2

- d) Kijahmat to na sang a ipi lam dolla iha man jiuvm? Ipi lamdol lin kimang leh apha chom jo dem? 1+1=2
- e) Manipur a Smart City sah ding ana kitia gam lentah ana lah got nau chu hoilai mun ham? Ipi jeh a kigong lou hitam? 1+1=2
- f) Hiche Smart City chu hung um taleh eiho society ( Namsung) itobang tah in ahin sukha dem? 1+1=2

17 Anoija thulom kipe hi vechilchep inlang thudoh kidong ho donbutna pen?

Ichennau gamsung thule la boijing to Ihonin, mihem in ama ama Nampi phatchom na ding seh hilouvin, ama inn-chen geija hung pha chom ding kilosetna kichang ngailut, mit deichat, kithangthip to nan alodim tan ahi, alang khat ah Nampi ngailua kingaitoa ama inn chen doh nading jeng bou ngaito Nam lamkai idimset tauvin, koihi Nam ngailu leh nam natong ham? ti het theilou khop in aum doh tan ahi. Ahinlah, hitobang Namkhat leh Namkhat kiboina ahung umdoh teng, adeh-in Numeiho hin panmun lenpi aneijun ahi. Isreal Gam a Zews te khun Numei hohi thilkeo lah a amit um danin gel ujong leh, Gam khangtou Europe gam-ah Numei leh chapang ho hi mipi Ihingset bangin khohsahna apeuvin ahi. Chuban ah, adeh in tuchung ILPS Bills meilheiten adel lai uleh Bills jouva thilsoh ho ivet leh Numei ho bou hiche natoh hi ipeh doh dan uvin akilang in ahi. Inn-sunga numei hohi itobanga iman uham itileh, Sum le pai hoi in jong ipansah uvin, Ann leh tui geijin amaho mopohna ahin, innsung suhtheng, Ponsop, Chate vesui, ana damlou ho geijin amahon aboipiuvin, ahinla ilung han teng uleh Numei ki umthim in itikit jiuvin ahi, Hijeh chun Numei jong hi Pathen thilsem ahin, Bible in Numei Pasal aumpoi, Greek leh Juda mi aumpoi tia ascilo na khu ivet leh Pathen thilsem cheh ahina asulang in ahi. Hiche jeh a chu Numei hohi Pasal sanga chungnungjoa gel ding leh koi ding ahideh pon, pan alah theidan u kibang ahi tip hot chet ahi.

- a) Zews mite chun Numeihohi ipi dana agel uham? 1
- b) Gam khangtou hokhun Numei ho itobang tah a khohsah na anei uvam? 1

- c) Namsung leh Gamsung a boina ahungso teng alhangpia kon pan  
ahalah deh ji am ? 1
- d) Chunga thulom hung kitahlang khu lagom in lang athugomkhom  
chomchan tahlengin. 5

### SECTION-C : WRITING : 25 MARKS

18. "Sojuh longlen thinkha tovang" Hiche Paochamtuh hi ipi kiseina ham  
hilchetna leh tekah na Thingset pen ? 1+1=2
19. Moreh Ward No.1 Khosung Youth President danin kigel inlang nikho  
20<sup>th</sup> April 2016 nidan 10:30 Choma teng leh Social Work bol nading  
in hetsahna thuphon youth ho het ding tah langin ? 1+2+3
20. "Patjanga selkai" kiti Thuchih hi mangchan lang thulom khat thucheng  
80-100 kikah sungin sunin ? 1+2+2=5
21. Kum 2015 August 31<sup>st</sup> nia Manipur Assembly in Bill thum passed  
abol ho chu thinghang mite dinga Thilpha ahi natileh aphantna seijin  
lang, ama vang aphapoi natileh aphantlouna ho chu, nahet dan tah in  
mipi het thei ding in, Eimi Times ah, hin tahlengin ? 3+4=7
22. Gamsung leh Namsunga dinga Nam Sepoy urn hi Phachom nasah  
am ? Ahilou leh apha chompoi nati em ? Aphantna leh aphantlouna point  
ho hin tahlengin lang iti lamdola semphat be thei ding ham ? ti nalung  
gel sun doh in ? 5+3=8

### SECTION-D : GRAMMAR : 10 MARKS

23. Ngalchang kiti hi Masculine gender ahin, Feminine Gender in khel  
in ? 1

24. Thubahkhen ijat um am ? 1
25. Honminpu ( Collective Noun ) vetsahna khat pen ? 1
26. Noiija thugol hi Subject, Object, leh Verb Ihengdoh inlang thah sut doh in? "*Lhingjahoi in Poem khat ana sun ne*" 1
27. Noiija thugol hi superlative Degree in khel inlang thah sut doh in? "*Nengboi hi khongsung nungah lah a din ahoi kasai.*" 1
28. Noiija thugol hi Passive voice in khel doh inlang thah sut doh in? "*Thudou pao nahet em?*" 1
29. Thu avaljella sei kiti hi *Hyperbole* akitin ahi, Hijeh chun Thulhonkhat sem in ? 1
30. Noiija thugol hi Punctuation kojijin ? "*Vo Thina nagoljona hoiba hitam*" 1
31. "*Ahmai bei*" thucheng hi mangchan langthulhon khatsemin ? 1
32. "*Gopi Gelpi*" kiti Paochamtuh hi ipi kiseina ham ? 1